



Na osnovu člana 16. Zakona o Vladi Unsko-sanskog kantona („Službeni glasnik Unsko-sanskog kantona“, broj: 5/08), člana 27. stav 1. tačka 8. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije Bosne i Hercegovine“, broj: 39/03, 22/06 i 43/10) i člana 33. stav 1. i 2. Pravilnika o načinu rada i funkcionisanja štabova i povjerenika civilne zaštite („Službene novine Federacije Bosne i Hercegovine“, broj: 77/06, 5/07 i 32/14), na prijedlog Kantonalnog štaba civilne zaštite, Vlada Unsko-sanskog kantona na sjednici održanoj dana 04.06.2020. godine, d o n o s i

ODLUKU

o prestanku stanja prirodne nepogode na području Unsko-sanskog kantona

Član 1.

Ovom Odlukom proglašava se prestanak stanja prirodne nepogode uzrokovane pojavom virusa COVID-19 na području Unsko-sanskog kantona, koje je proglašeno Odlukom Vlade Unsko-sanskog kantona broj: 03-017-1532/2020 od 20.03.2020.godine („Službeni glasnik Unsko-sanskog kantona“, broj: 8/20).

Član 2.

Prestanak stanja prirodne nepogode proglašava se sa danom 04.06.2020. godine.

Član 3.

Zadužuje se Kantonalni štab civilne zaštite i Krizni štab Ministarstva zdravstva, rada i socijalne politike da prate i procjenjuju epidemiološku situaciju na području Unsko-sanskog kantona i u skladu s njom donose preporuke i preduzimaju druge mjere i aktivnosti na sprečavanju širenja korona virusa COVID-19.

Član 4.

Zadužuju se kantonalni organi uprave, kantonalne javne ustanove i preduzeća, općinske službe za upravu, općinske javne ustanove i preduzeća da u okviru svoje redovne djelatnosti obavljaju poslove koji se odnose na otklanjanje posljedica koje su nastale pojavom korona virusa COVID-19.

Član 5.

Zadužuje se Kantonalna komisija za procjenu šteta da u skladu sa tačkom VIII stav 3. Odluke o postupku i kriterijima za dodjelu jednokratne novčane pomoći općinama i kantonima za otklanjanje šteta nastalih od prirodnih i drugih nesreća („Službene novine Federacije Bosne i Hercegovine“ broj: 60/06, 8/10, 21/14), u roku od tri mjeseca od dana stupanja na snagu ove Odluke završi postupak procjene nastalih šteta i traženja jednokratne novčane pomoći od Vlade Federacije Bosne i Hercegovine.

Član 6.

Ova Odluka stupa na snagu danom donošenja i ista će biti objavljena u „Službenom glasniku Unsko-sanskog kantona“ i saopštena javnosti putem sredstava javnog informisanja.

Broj: 03-017-1894/2020
Bihać, 04.06.2020. godine

